

UNIVERZITET U SARAJEVU

- SENAT –

Broj: 01-I-879/05

Sarajevo. 10.06.2005. godine

Z A P I S N I K
SA 7. SJEDNICE SENATA
ODRŽANE 10.06.2005. GODINE

Prisutni članovi Senata: Prof. dr. Hasan Muratović, rektor, prof. dr. Ljerka Babić, prof. dr. Mensur Hajro i prof. dr. Nikola Kovač, prorektori, članovi Senata sa visokoškolskih ustanova: prof. Nusret Pašić, prof. Zijad Mehić (po ovlaštenju Dekana), prof. dr. Muhamed Hamidović, prof. dr. Besim Čulahović (po ovlaštenju Dekana), prof. dr. Mirsad Raščić (po ovlaštenju Dekana), prof. dr. Adnan Silajdžić, prof. dr. Hidajet Repovac, prof. dr. Ismet Grbo, prof. dr. Izet Rađo, prof. dr. Elvira Kovač-Bešović, prof. dr. Samir Arnautović, prof. dr. Muhamed Zlatar, prof. dr. Malik Kulenović (po ovlaštenju Dekana), prof. dr. Osman Durić, prof. mr. David Kamhi (po ovlaštenju Dekana), prof. dr. Obrad Šarenac, prof. dr. Vjekoslav Selak, prof. dr. Fuad Saltaga, prof. dr. Muharem Avdispahić, prof. dr. Muriz Spahić, prof. dr. Mirjana Malić, prof. dr. Faruk Mekić, prof. dr. Lejla Saračević (po ovlaštenju Dekana) i prof. dr. Fuad Šišić, te prof. dr. Faris Gavrankapetanović (KCU), dr. Enes Kujundžić (NUB) i Mladen Šain, student.

Ostali prisutni: Izvjestioci po pojedinim tačkama dnevnog reda, prof. dr. Aleksander Ivanc, prof. dr. Nenad Tanović, prof. dr. Hary Miller, prof. dr. Boris Tihi, Zoran Selesković, dipl. iuris, generalni sekretar i Naida Sušić-Mehmedagić.

Odsutni članovi Senata: Prof. dr. Ilijas Tanović, prof. dr. Munib Maglajlić i prof. dr. Sulejman Redžić

Zasjedanje je počelo u 11,00 sati.

Predsjedavao je prof. dr. Hasan Muratović na čiji je prijedlog

usvojen slijedeći

D N E V N I R E D:

1. Usvajanje zapisnika sa:

1.1. 5. sjednice Senata od 23.03.2005. godine;

1.2. 6. sjednice Senata od 26.04.2005. godine;

2. Donošenje odluka o davanju saglasnosti na izbore u nastavnička zvanja;

3. Informacija o održavanju Svečane ceremonije – zajedničke promocije završenih studenata dodiplomskog i postdiplomskog studija fakulteta i akademija Univerziteta u Sarajevu;
4. Izvještaj o dosadašnjem radu Komisije za matičnosti na Univerzitetu u Sarajevu;
5. Izmjene teksta Statuta Univerziteta u Sarajevu usvojene od strane Upravnog odbora Univerziteta u Sarajevu;
6. Doktorati nauka;
7. Razmatranje Izvještaja Komisije za dodjelu zvanja professor emeritus na Univerzitetu u Sarajevu;
8. Donošenje odluka o davanju saglasnosti za univerzitetska izdanja;
9. Protokol o saradnji između Cankkale Osemkiz Mart Univerziteta u Turskoj i Univerziteta u Sarajevu;
10. Postdiplomske studije – odluke o davanju saglasnosti;
11. Nostrifikacije;
12. Tekuća pitanja.

TOK SJEDNICE

Prije prelaska na redovni rad sjednice prof. dr. Hasan Muratović dao je nekoliko uvodnih informacija:

- Zakon o visokom obrazovanju će biti na dnevnom redu sjednice Skupštine Kantona zakazane za 23.06.2005. godine, te se očekuje usvajanje Zakona prije početka nove školske 2005/2006. godine.
- Obavješteni smo, ali nismo dobili Odluku, da je plan upisa u 2005/2006. godini usvojen je od strane Ministarstva obrazovanja i Vlade Kantona, s tim da postoji uvjet da se na kraju Konkursa objavi pregled nezaposlenih lica iz evidencije JU «Služba za zapošljavanje Kantona Sarajevo» prema završenim fakultetima.
- Visokoškolske ustanove koje imaju pripremljene nove nastavne planove i programe, iste trebaju, što je moguće prije, dostaviti Univerzitetu radi sprovođenja redovne procedure.
- Priručnik o ECTS sistemu biti će dostupan svim nastavnicima i saradnicima, a cijena ovog Priručnika će biti simbolična.
- Apelovati preko fondacija koje prate visoko obrazovanje da finansiraju dalji tok reforme, održavanje seminara, okruglih stolova, objavljivanja publikacija i kataloga, kao i recenziranja nastavnih planova i programa koji se tek trebaju usvojiti.

Svi članovi Senata jednoglasno su zaključili da se, prije odlaska na godišnje odmore, održi još jedna sjednica Senata i to u mjesecu julu.

Ad-1.

1.1. Prof dr Muharem Avdispahić iznio je svoje primjedbe na Zapisnik sa 5. sjednice Senata od 23.03.2005. godine i to:

- Tačka 7.5. (posljednja strana), dopuniti sa:

Vlada Kantona Sarajevo nije dala saglasnost na prijedlog koji je jednoglasno utvrdio Upravni odbor Prirodno-matematičkog fakulteta da se prof. dr. Sulejman Redžić imenuje za dekana Fakulteta za period 2004-2006, utvrđen na osnovu dvotrećinske podrške dobijene na tajnom glasanju Nastavno-naučnog vijeća. Novoimenovani Upravni odbor je na svojoj konstituirajućoj sjednici 07.03.2005. godine, mimo dnevnog reda, glasovima troje vanjskih članova, razriješio prof. dr. Sulejmana Redžića funkcije dekana i v.d. dekana, takođe mimo dnevnog reda, bez konsultacije sa Nastavno-naučnim vijećem i postojanja bilo kakvog pisanog prijedloga, imenovao vanr. prof. dr. Aleksandera Ivanca. Članovi Senata su jednoglasno donijeli zaključak: Senat iskazuje svoje negodovanje povodom ovakvog postupka i ovlašćuje Rektora Univerziteta da obavi odgovarajući razgovor sa Premijerom Vlade Kantona.

Dopuna tačke 7.5. u gore navedenom tekstu je usvojena.

- Navod da u Zapisniku treba brisati tačku 2.3. nije usvojen.

Zatim je Zapisnik sa 5. sjednice Senata od 23.03.2005. godine, uz dopunu tačke 7.5., usvojen.

Napomena: Sastavni dio Zapisnika je tekst koji je priložio prof. dr. Muharem Avdispahić.

1.2. Zapisnik sa 6. sjednice Senata od 26.04.2005. godine usvojen je bez primjedbi.

Ad-2.

Jednoglasno su **d o n e s e n e ODLUKE o davanju saglasnosti na slijedeće izbore u nastavnička zvanja:**

EKONOMSKI FAKULTET

2.1. Dr. Azre Hadžiahmetović u zvanje vanrednog profesora za predmete: MAKROEKONOMIJA I EKONOMIJA EVROPE. Izvjestilac je bio prof. dr. Dragoljub Stojanov.

ELEKTROTEHNIČKI FAKULTET

2.2. Dr. Vladimira Lipovca u zvanje redovnog profesora za predmet MIKROTALASNI I SATELITSKI SISTEMI. Izvjestilac je bila akademik dr. Branislava Peruničić.

FAKULTET POLITIČKIH NAUKA

2.3. Dr. Jagoša Dujovića ponovo u isto zvanje - redovni profesor za predmet TEORIJA STRATEGIJE. Izvjestilac je bio prof. dr. Hidajet Repovac.

POLJOPRIVREDNI FAKULTET

2.4. Dr. Muhameda Brke u zvanje docenta za predmete: STOČARSTVO SA OPLEMENJIVANJEM i SPECIJALNO STOČARSTVO. Izvjestilac je bio prof. dr. Salko Adilović

PRAVNI FAKULTET

2.5. Dr. Nedžada Duvnjaka u zvanje vanrednog profesora za predmet UPRAVNO PRAVO. Izvjestilac je bio prof. dr. Ibrahim Festić.

Ad-3.

Prof. dr. Hasan Muratović je, povodom održavanja Svečane ceremonije – zajedničke promocije završenih studenata dodiplomskog i postdiplomskog studija fakulteta i akademija Univerziteta u Sarajevu, dao uvodne informacije, kao i dodatna pojašnjenja određenih dijelova iz materijala koji je bio dostavljen članovima Senata. Nakon toga je otvorena rasprava u kojoj su učestvovali: prof. dr. Šefkija Čekić, prof. dr. Hasan Muratović, prof. dr. Ismet Grbo, prof. dr. Lejla Saračević, prof. dr. Fuad Saltaga, prof. dr. Mirjana Malić, prof. dr. Osman Durić, prof. dr. Elvira Kovač-Bešović i prof. dr. Obrad Šarenac.

Zaključeno je da:

- Ostavljeno je fakultetima da sami odluče da li će na promocijama studenti nositi toge ili ne;
- Centralna ceremonija će biti u Skenderiji, da bi nakon toga, u isto vrijeme (okvirno u 14,00 sati), započele promocije diplomiranih studenata dodiplomskog i postdiplomskog studija na svim visokoškolskim ustanovama Univerziteta u Sarajevu;
- Priznanja će dobiti 23 studenta (sa svake visokoškolske ustanove po jedan). Kriterij za dobivanje priznanja je prosjek ocjena za vrijeme studija. Priznanja su: za prvih 10 studenata Zlatna značka i novčana nagrada (visina novčane nagrade će ovisiti od iznosa prikupljene donacije), a ostalih 13 studenata će dobiti pisano priznanje i novčanu nagradu.
- Spisak u kojem su navedena 23 najbolja studenata treba ponovo usaglasiti sa visokoškolskim ustanovama, kao i izvršiti provjere imena istih.

Ad-4.

Povodom Izvještaja o dosadašnjem radu Komisije za matičnost na Univerzitetu u Sarajevu, koji je bio dostavljen članovima Senata, otvorena je rasprava u kojoj su učestvovali: prof. dr. Hasan Muratović, prof. dr. Fuad Šišić, prof. dr. Obrad Šarenac, prof. dr. Samir Arnautović, prof. dr. Ismet Grbo, prof. dr. Vjekoslav Selak, prof. dr. Izet Rađo i prof. dr. Osman Durić.

Zatim je prof. dr. Hasan Muratović dao riječ prof. dr. Borisu Tihom, članu Komisije za matičnost kao i gospođi Naidi Sušić-Mehmedagić koji su dali dodatna pojašnjenja o radu ove Komisije.

Zaključeno je:

- Da se materijali ponovo razmotre na grupacijama, te da se prof. dr. Muji Slatini dostave korekcije istih;
- Prihvata se sugestija prof. dr. Borisa Tihog da je osnovno polazište da katedre pripadaju Univerzitetu, a da se administracija vodi tamo gdje ima najviše zaposlenih;
- Komisija za matičnost treba da podrži Fraskati.

Ad-5.

Povodom pitanja prof. dr. Ismeta Grbe, a koje se odnosi na dekane koji su zatečeni u mandatu na dan usvajanja Statuta Univerziteta u Sarajevu, zaključeno je da prof. dr. Ismet Grbo ova i slična pitanja definiše i dostavi za iduću sjednicu Senata.

Ad-6.**DOKTORATI NAUKA**

Jednoglasno su **d o n e s e n e** sljedeće ODLUKE:

ARHITEKTONSKI FAKULTET

6.1. Obrazuje se Komisija za ocjenu uslova kandidata mr. Jadranke Boras-Bruna i podobnosti teme doktorske disertacije **ALTERNATIVNI OBLICI STANOVANJA STARIH LJUDI** u sljedećem sastavu:

1. Dr. Rajka Mandić, vanredni profesor
2. Dr. Hidajet Repovac, redovni profesor i
3. Dr. Muhamed Hamidović, redovni profesor.

6.2. Obrazuje se Komisija za ocjenu uslova kandidata mr. Adnana Pašića i podobnosti teme doktorske disertacije **KONCEPTUALIZACIJA ARHITEKTONSKOG PROSTORA ZA POTREBE KULTURE** u sljedećem sastavu:

1. Dr. Muhamed Hamidović, redovni profesor
2. Dr. Nedžad Kurto, redovni profesor i
3. Dr. Ibrahim Krzović, redovni profesor.

6.3. Obrazuje se Komisija za ocjenu uslova kandidata mr. Denisa Zvizdića i podobnosti teme doktorske disertacije **DEFINISANJE PRINCIPA ODRŽIVE ARHITEKTURE NA POUKAMA TRADICIONALNE ARHITEKTURE U BiH** u sljedećem sastavu:

1. Dr. Hamdija Salihović, professor emeritus
2. Dr. Nedžad Kurto, redovni profesor i
3. Dr. Zlatko Đikić, redovni profesor.

FAKULTET KRIMINALISTIČKIH NAUKA

6.4. Obrazuje se Komisija za ocjenu uslova kandidata mr. Mladena Milosavljevića i podobnosti teme doktorske disertacije **KOMPARATIVNE KRIMINALISTIČKE**

ANALIZE U ISTRAŽIVANJU FENOMENOLOGIJE SEKSUALNOG NASILJA NAD DJECOM S OSVRTOM NA SITUACIJU U BOSNI I HERCEGOVINI u slijedećem sastavu:

1. Akademik dr. Ljubomir Berberović, redovni profesor
2. Dr. Alija Ramljak, redovni profesor
3. Dr. Borislav Petrović, docent i
4. Dr. Vladimir Krivokapić, redovni profesor (Beograd, Srbija i Crna Gora).

FAKULTET POLITIČKIH NAUKA

6.5. Obrazuje se Komisija za ocjenu uslova kandidata mr. Selme Cikotića i podobnosti teme doktorske disertacije SIGURNOSNE PERSPEKTIVE BOSNE I HERCEGOVINE u slijedećem sastavu:

1. Dr. Izet Beridan, vanredni profesor, predsjednik
2. Dr. Jagoš Dujović, redovni profesor, član i
3. Dr. Ćamil Huseinbašić, vanredni profesor, član.

6.6. Obrazuje se Komisija za ocjenu uslova kandidata mr. Edine Bećirević i podobnosti teme doktorske disertacije GENOCID U ISTOČNOJ BOSNI 1992-1993. GODINE: SRPSKI POLITIČKI, VOJNI I SOCIJALNI PROJEKAT u slijedećem sastavu:

1. Dr. Smail Čekić, vanredni profesor, predsjednik
2. Dr. Ćamil Huseinbašić, vanredni profesor, član i
3. Dr. Jagoš Dujović, redovni profesor, član.

6.7. Obrazuje se Komisija za ocjenu uslova kandidata mr. Halida Ganije i podobnosti teme doktorske disertacije SOCIJALNO KRIMINOLOŠKA OBILJEŽJA UČINITELJA RAZBOJNIŠTVA U F BiH 1997.-2004. u slijedećem sastavu:

1. Dr. Vahid Kljajić, redovni profesor, predsjednik
2. Dr. Milanka Miković, vanredni profesor, član i
3. Dr. Udžejna Habul, docent, član.

MEDICINSKI FAKULTET

6.8. Obrazuje se Komisija za ocjenu uslova kandidata mr. Amele Begić i podobnosti teme doktorske disertacije DIJAGNOSTIČKI ZNAČAJ PERFUZIONI SCINTIGRAFIJE MIOKARDA U PROCJENI RIZIKO FAKTORA KORONARNE BOLESTI KOD PACIJENATA SA DIJABETES MELITUSOM u slijedećem sastavu:

1. Dr. Bećir Heljić, vanredni profesor
2. Dr. Marika Bajc, redovni profesor (Lund, Švedska)
3. Dr. Vjekoslav Gerc, vanredni profesor
4. Dr. Elma Kučukalić-Selimović, docent i
5. Dr. Amila Arslanagić, vanredni profesor.

6.9. Obrazuje se Komisija za ocjenu uslova kandidata mr. Esada Brigića i podobnosti teme doktorske disertacije DIJAGNOZA I LIJEČENJE HELICOBACTER PYLORI

INFEKCIJE KAO PREVENCIJA RECIDIVIRAJUĆE ABDOMINALNE BOLI U ŠKOLSKE DJECE u sljedećem sastavu:

1. Dr. Salahudin Dizdarević, redovni profesor
2. Dr. Faruk Dalagija, redovni profesor
3. Dr. Ana Raič, redovni profesor (Zagreb, R Hrvatska)
4. Dr. Rusmir Mesihović, docent
5. Dr. Svjetlana Radović, docent.

Jednoglasno su **d o n e s e n e** sljedeće **ODLUKE**:

FAKULTET POLITIČKIH NAUKA

6.10. Verificira se Izvještaj Komisije za ocjenu uslova kandidata mr. Suada Arnautovića i podobnosti teme doktorske disertacije POLITIČKO PREDSTAVLJANJE I IZBORNI SISTEMI U BOSNI I HERCEGOVINI U XX STOLJEĆU.

6.11. Verificira se Izvještaj Komisije za ocjenu uslova kandidata mr. Enesa Osmančevića i podobnosti teme doktorske disertacije WEB INFORMIRANJE I DEMOKRATSKO KOMUNICIRANJE U BOSNI I HERCEGOVINI.

POLJOPRIVREDNI FAKULTET

6.12. Verificira se Izvještaj Komisije za ocjenu uslova kandidata mr. Jasne Avdić i podobnosti teme doktorske disertacije MODELI PRIMJENE POLIPLOIDIJE JEDNOGODIŠNJIH CVIJETNIH KULTURA U PEJSAŽNOJ ARHITEKTURI.

6.13. Verificira se Izvještaj Komisije za ocjenu uslova kandidata mr. Hamdije Čivića i podobnosti teme doktorske disertacije UTICAJ RAZLIČITIH ODNOSA AZOTA I KALIJA NA PRINOS I KVALITET SALATE (LACTUCA SATIVA L.) UZGAJANE U HIDROPONIMA I NA OTVORENOM POLJU.

6.14. Verificira se Izvještaj Komisije za ocjenu uslova kandidata mr. Dragane Ognjenović i podobnosti teme doktorske disertacije EKONOMIKA PRERADE MLIJEKA U FEDERACIJI BOSNE I HERCEGOVINE U ZAVISNOSTI OD PROIZVODNOG PROGRAMA MLJEKARE.

6.15. Verificira se Izvještaj Komisije za ocjenu uslova kandidata mr. Maje Firšt-Bača i podobnosti teme doktorske disertacije UTICAJ DUŽINE TRAJANJA MACERACIJE NA KEMIJSKI SASTAV I SENZORNA SVOJSTVA VINA FRANKOVKA.

6.16. Verificira se Izvještaj Komisije za ocjenu uslova kandidata mr. Senade Čengić-Džomba i podobnosti teme doktorske disertacije STRUKTURA MASTI OBROKA I PROMJENE PROIZVODNO KVALITATIVNIH PARAMETARA MESA BROJLERA.

6.17. Verificira se Izvještaj Komisije za ocjenu uslova kandidata mr. Emira Džombe i podobnosti teme doktorske disertacije STATUS SELENA U ISHRAMBENOM ODNOSU TLO-BILJKA-OVCA NA PODRUČJU BOSNE I HERCEGOVINE I PREVENCIJA MIŠIĆNIH DISTROFIJA JANJADI.

Jednoglasno su **d o n e s e n e** sljedeće **ODLUKE**:

ARHITEKTONSKI FAKULTET

6.18. Obrazuje se Komisija za ocjenu i odbranu doktorske disertacije kandidata mr. Željka Katalinića pod naslovom PROJEKTANTSKE STRATEGIJE ZA EKO-TEHNOLOŠKE PARKOVE u sljedećem sastavu:

1. Dr. Muhamed Hamidović, redovni profesor, predsjednik
2. Dr. Vlasta - Jelena Žuljić, redovni profesor, član i
3. Dr. Aleksandar Knežević, docent, član.

FAKULTET POLITIČKIH NAUKA

6.19. Obrazuje se Komisija za ocjenu i odbranu doktorske disertacije kandidata mr. Asima Pece pod naslovom OBRAZOVANJE I NACIONALNA EMANCIPACIJA (ISKUSTVO BOSNE I HERCEGOVINE U 20-OM STOLJEĆU) u slijedećem sastavu:

1. Dr. Hidajet Repovac, redovni profesor, predsjednik
2. Dr. Šefko Međedović, redovni profesor, član
3. Dr. Ismet Grbo, vanredni profesor, član i
4. Dr. Ivan Cvitković, redovni profesor, zamjenik člana.

6.20. Obrazuje se Komisija za ocjenu i odbranu doktorske disertacije kandidata mr. Rasima Muratovića pod naslovom HOLOKAUST I GENOCID NAD BOŠNJACIMA u slijedećem sastavu:

1. Dr. Šaćir Filandra, vanredni profesor, predsjednik
2. Dr. Hidajet Repovac, redovni profesor, član
3. Dr. Smail Čekić, redovni profesor, član
4. Dr. Ivan Cvitković, redovni profesor, član i
5. Dr. Asim Mujkić, docent, zamjenik člana.

6.21. Obrazuje se Komisija za ocjenu i odbranu doktorske disertacije kandidata mr. Hajriza Bećirovića pod naslovom HOLOKAUST GENOCID U MODERNOJ DRUŠTVENOJ ZNANOSTI – POLITOLOŠKI DISKURS u slijedećem sastavu:

1. Dr. Smail Čekić, redovni profesor, predsjednik
2. Dr. Nijaz Duraković, redovni profesor, član
3. Dr. Mirko Pejanović, redovni profesor, član
4. Dr. Asad Nuhanović, vanredni profesor, član
5. Dr. Mustafa Festić, redovni profesor, član i
6. Dr. Nijaz Musabegović, vanredni profesor, zamjenik člana.

6.22. Obrazuje se Komisija za ocjenu i odbranu doktorske disertacije kandidata mr. Mehmeda Pojskića pod naslovom POLITIČKI MENADŽMENT U FUNKCIJI DRUŠTVENOG RAZVITKA BOSNE I HERCEGOVINE u slijedećem sastavu:

1. Dr. Safet Halilović, vanredni profesor, predsjednik
2. Dr. Mustafa Festić, redovni profesor, član
3. Dr. Mirko Pejanović, redovni profesor, član
4. Dr. Nijaz Mesihović, redovni profesor, član
5. Dr. Asad Nuhanović, vanredni profesor, član i
6. Dr. Stjepan Šimić, vanredni profesor, zamjenik člana.

6.23. Obrazuje se Komisija za ocjenu i odbranu doktorske disertacije kandidata mr. Suada Arnautovića pod naslovom POLITIČKO PREDSTAVLJANJE I IZBORNI SISTEMI U BOSNI I HERCEGOVINI U XX STOLJEĆU u slijedećem sastavu:

1. Dr. Mirko Pejanović, redovni profesor, predsjednik
2. Dr. Omer Ibrahimagić, redovni profesor, član
3. Dr. Esad Zgodić, vanredni profesor, član i
4. Dr. Stjepan Šimić, vanredni profesor, zamjenik člana.

MEDICINSKI FAKULTET

6.24. Obrazuje se Komisija za ocjenu i odbranu doktorske disertacije kandidata mr. Ismane Šurković pod naslovom POSTTERAPIJSKI TREND KARDIOVASKULARNIH PROMJENA KOD DISFUNKCIJE ŠTITNE ŽLIJEZDE u slijedećem sastavu:

1. Dr. Osman Durić, redovni profesor
2. Dr. Bećir Heljić, vanredni profesor
3. Dr. Marko Bukša, vanredni profesor i
4. Dr. Muhamed Hadžimejlić, redovni profesor.

Ad-7.

Članovi Senata jednoglasno su usvojili Izvještaj Komisije za ocjenu prijedloga o imenovanju profesora emeritusa na Univerzitetu u Sarajevu (sastavni dio ovog Zapisnika), a zatim su donesene slijedeće **ODLUKE**:

Dodjeljuje se počasno zvanje **professor emeritus** slijedećim kandidatima:

1. **Dr. Irfanu Zuliću**, penzionisanom redovnom profesoru Medicinskog fakulteta u Sarajevu, **posthumno**;
2. **Dr. Branku Nikolinu**, penzionisanom redovnom profesoru Farmaceutskog fakulteta u Sarajevu, **posthumno**;
3. Dr. Živojinu Vekiću, penzionisanom redovnom profesoru Arhitektonskog fakulteta u Sarajevu,
4. Dr. Dragoljubu Milatoviću, penzionisanom redovnom profesoru Elektrotehničkog fakulteta u Sarajevu,
5. Dr. Omeru Ibrahimagiću, penzionisanom redovnom profesoru Fakulteta političkih nauka u Sarajevu,
6. Dr. Muhamedu Neziroviću, penzionisanom redovnom profesoru Filozofskog fakulteta u Sarajevu,
7. Dr. Muzaferu Mujiću, penzionisanom redovnom profesoru Medicinskog fakulteta u Sarajevu,
8. Dr. Sreći Šimiću, penzionisanom redovnom profesoru Medicinskog fakulteta u Sarajevu,
9. Dr. Ramizu Handžiću, penzionisanom redovnom profesoru Poljoprivrednog fakulteta u Sarajevu,
10. Dr. Mehmedu Luli, penzionisanom redovnom profesoru Poljoprivrednog fakulteta u Sarajevu,

11. Dr. Slavici Krneti, penzionisanom redovnom profesoru Pravnog fakulteta u Sarajevu,
12. Dr. Mariji Filipović-Paninčić, penzionisanom redovnom profesoru Veterinarskog fakulteta u Sarajevu i
13. Dr. Zdravku Miloševiću penzionisanom redovnom profesoru Veterinarskog fakulteta u Sarajevu.

Zaključeno je da će se za kandidate:

1. Dr. Ismeta Dizdarevića, penzionisanog redovnog profesora Filozofskog fakulteta u Sarajevu,
2. Dr. Husniju Festića, penzionisanog redovnog profesora Poljoprivrednog fakulteta u Sarajevu i
3. Dr. Vladimira Milićevića, penzionisanog redovnog profesora Prirodno-matematičkog fakulteta u Sarajevu.

odluke o dodjeli počasnog zvanja professor emeritus donijeti nakon dostave podataka koji nedostaju.

Konstatovano je da kandidati za dodjelu počasnog zvanja professor emeritus dr. Đorđe Bugarski i dr. Hamdo Lokvančić, penzionisani redovni profesori Veterinarskog fakulteta u Sarajevu nemaju publikovanih naučnih knjiga kao ni nasljednika u nastavi, te im se u smislu sa navedenim ne može dodijeliti počasno zvanje professor emeritus.

Ad-8.

Senat je u potpunosti prihvatio prijedlog Izdavačkog savjeta i na osnovu istog **donio ODLUKU** o davanju saglasnosti da se slijedeća publikacija izda kao univerzitetsko izdanje:

ARHITEKTONSKI FAKULTET

8.1. Udžbenik „Civilni aerodromi i aerodromski putnički terminali“ autora prof. dr. Emira Fejzića.

ELEKTROTEHNIČKI FAKULTET

8.2. Udžbenik „Električna mjerenja“ autora prof. dr. Alije Muharemovića.

8.3. Naučna knjiga „Električni strojevi“ autora doc. dr. Šemsudina Mašića.

FAKULTET POLITIČKIH NAUKA

8.4. Udžbenik „Teorija strategije“ autora prof. dr. Jagoša Dujovića.

FAKULTET ZA SAOBRAĆAJ I KOMUNIKACIJE

8.5. Udžbenik „Ekonomika u transportu i komunikacijama“ autora prof. dr. Šefkije Čekića.

MAŠINSKI FAKULTET

8.6. Udžbenik „Prijenos toplote i mase“ autora prof. dr. Ejupa Ganića.

8.7. Udžbenik „Kinematika“ autora prof. dr. Vlatka Dolečeka.

8.8. Udžbenik „Transportna sredstva“ autora prof. dr. Nedžada Repčića i mr. Mirsada Čolića.

8.9. „Zbirka riješenih zadataka iz transportnih sredstava“ autora prof.

dr. Nedžada Repčića i mr. Mirsada Čolića.

8.10. Udžbenik „Osnovi metrologije i obrade rezultata mjerenja“ autora prof. dr. Edhema Seferovića i doc. dr. Hazima Bašića.

POLJOPRIVREDNI FAKULTET

8.11. Udžbenik „Unapređenje proizvodnje krme na prirodnom travnjacima“ autora Senije Alibegović-Grbić, Pere Erića, Petra Ivanovskog, Branka Čupine, Save Vučkovića, Radislava Dubljevića i Tanje Prentović.

PRIRODNO-MATEMATIČKI FAKULTET

8.12. „Zbirka zadataka iz specijalne teorije relativnosti“ autora pokojne dr. Gordane Knežević.

STOMATOLOŠKI FAKULTET SA KLINIKAMA

8.13. Udžbenik „Osnovi fiksne tehnike u ortodonciji“ autora prof. dr. Dalije Demirovića.

ŠUMARSKI FAKULTET

8.14. Udžbenik „Kemija za univerzitetski studij“ autora prof. dr. Keme Sinanovića.

VETERINARSKI FAKULTET

8.15. Univerzitetska knjiga „Radijacijska bolest domaćih životinja“ autora doc. dr. Hrvoja Miloševića, prof. dr. Lejle Saračević i prof. dr. Faruka Čaklovice.

Ad-9.

Jednoglasno je donesena

ODLUKA

Kojom se prihvata Protokol o saradnji između Cankkale Osemkiz Mart Univerziteta (Turska) i Univerziteta u Sarajevu.

Protokol iz prethodnog stava potpisat će, u ime Univerziteta u Sarajevu, prof. dr. Hasan Muratović, rektor Univerziteta u Sarajevu.

Ad-10.

10.1. Povodom davanja saglasnosti na Nastavni plan i program Specijalističkog studija „Dizajn proizvoda“ na Mašinskom fakultetu u Sarajevu, prof. dr. Malik Kulenović dao je kraće pojašnjenje o predloženom Nastavnom planu i programu. Nakon toga je otvorena diskusija u kojoj su učestvovali: prof. dr. Muharem Avdispahić i prof. dr. Samir Arnautović.

Većinom glasova je zaključeno da se gore navedeni materijal vrati Mašinskom fakultetu uz obrazloženje da se Nastavni plan i program Specijalističkog studija «Dizajn proizvoda» treba još doraditi posebno u dijelu u kojem su definisani predmeti kao i njihovi nosioci.

10.2. Prof. dr. Fuad Saltaga zatražio je pojašnjenje, a vezano za davanje saglasnosti za upis III generacije studenata magistarskog studija “Upravljanje državom i humanitarni poslovi Centra za interdisciplinarnе postdiplomske studije Univerziteta.

Prof. dr. Boris Tihi dao je kraće pojašnjenje o navedenom studiju.

Većinom glasova (18 glasova «za») data je saglasnost za upis III generacije studenata magistarskog studija “Upravljanje državom i humanitarni poslovi Centra za interdisciplinarne postdiplomske studije Univerziteta.

Ad-11.

11.1. Usvaja se Izvještaj Komisije za nostrifikaciju, odnosno ekvivalenciju Diplome Univerziteta društvenih znanosti B.A. – Međunarodni odnosi i suplementarni studiji na Hebrejskom Univerzitetu u Jerusalemu (Izrael) kandidata **Daria Atijasa**.

11.2. Usvaja se Izvještaj Komisije za nostrifikaciju, odnosno ekvivalenciju visoke stručne spreme – odsjek produkcije na Fakultetu za radio-televiziju u Teheranu (Iran) kandidata **Himze Mihaljevića**.

Sjednica je završena u 12,35 sati.

R E K T O R

Prof. dr. Hasan Muratović

Zapisničar:

Alma Voloder-Madacki